

**Grad Novi Pazar
Skupština grada
Odbornička grupa SDA Sandžaka
Novi Pazar
20. mart 2023. godine**

**P R E D S J E D N I K U
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PRISTUPANJU IZRADI SAOBRAĆAJNE STUDIJE GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 20. marta 2023. godine.

Ovlašteni predstavnik Odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

**Predsjednik odborničke grupe
Ahmedin Škrijelj**

PRIJEDLOG

Na osnovu člana 20, stav 1. tačka 2, 3, 8. i 15. Zakona o lokalnoj samoupravi („Sl. glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 2. i 22. i člana 46. stav 1. tačka 7, 31. i 76. Statuta Grada Novog Pazara („Službeni list Grada Novog Pazara“ br. 6/19), Skupština grada Novog Pazara na sjednici održanoj 20. marta 2023. godine donosi

ODLUKU O PRISTUPANJU IZRADI SAOBRAĆAJNE STUDIJE GRADA NOVOG PAZARA

Član 1.

Ovom odlukom pristupa se izradi Saobraćajne studije grada Novog Pazara (u daljem tekstu – Studija).

Član 2.

Osnovni cilj izrade Saobraćajne studije grada Novog Pazara je formiranje pouzdane informacione osnove koja sadrži sve relevantne podatke saobraćajne potražnje i ponude, na nivou bazne 2023. godine, na osnovu kojih se može definisati stanje saobraćajnog sistema Novog Pazara, kao polazište za izradu operativnih i strateških planova razvoja saobraćaja u Novom Pazaru.

Sljedeći cilj Studije je da definiše skup saobraćajnih modela na osnovu kojih će biti moguće, pouzdano, uz odgovarajuću softversku podršku, na osnovu podataka o planiranom korištenju zemljišta i društveno- ekonomskom razvoju Novog Pazara definisati Prijedlog plana saobraćaja Novog Pazara za 2033. godinu, kao sastavnog dijela budućeg Generalnog urbanističkog plana Novog Pazara.

Član 3.

Saobraćajna studija Novog Pazara 2033 spada u kategoriju sveobuhvatnih studija tzv. studija saobraćaja i korištenja zemljišta, koja podrazumijevaju obimna istraživanja u saobraćaju i primjenu najsavremenije softverske tehnologije.

Metodologijom izrade Studije predvidjeti tri osnovne faze:

- I. Izrada Transportnog modela Novog Pazara
- II. Saobraćajne prognoze
- III. Prijedlog plana saobraćaja Novog Pazara 2033.

Član 4.

Prijedlog plana saobraćaja treba obuhvatiti:

- Utvrđivanje prijedloga plana putne i ulične mreže na području Grada;
- Utvrđivanje prijedloga plana mreže linija javnog gradskog i prigradskog prevoza (trase linija i rješenje terminusa);
- Utvrđivanje prijedloga plana parkiranja (lokacije, kapacitet i režim);
- Utvrđivanje prijedloga mreže biciklističkog saobraćaja (trase i kategorizacija biciklističkih staza, lokacije i kapaciteti biciklističkih parkirališta);
- Utvrđivanje prijedloga plana pješačkog saobraćaja (plan pješačkih zona);
- Utvrđivanje prijedloga mreže željezničkog saobraćaja (trase pruga i položaj stanica);

- Utvrđivanje prijedloga strategije za sprovođenje plana;
- Utvrđivanje prijedloga mjera za provođenje plana.

Član 5.

Kroz procese pripreme Studije promovisaće se integralni participativni pristup planiranju lokalnog razvoja, međusektorska saradnja i razmjena informacija, uključivanje i koordinacija javnog, privatnog, naučno-istraživačkog i civilnog sektora u procesu odlučivanja i partnerstvo među institucijama.

Član 6.

Prostorni obuhvat Studije predstavlja kompletna teritorija grada Novog Pazara.

Član 7.

Rok za izradu Studije je osam mjeseci od dana stupanja na snagu ove Odluke.

Član 8.

Sredstva za izradu Studije obezbjeđuje Grad Novi Pazar.

Član 9.

Ova Odluka stupa na snagu danom donošenja i objavljuje se na internet stranici Grada Novog Pazara i Službenom listu Grada Novog Pazara.

SKUPŠTINA GRADA NOVOG PAZARA

Broj:
U Novom Pazaru, 20.03.2023. godine

PREDSJEDNICA
Dr. Anela Šemsović

O B R A Z L O Ž E N J E:

Pravni osnov:

Pravni osnov za donošenje ove odluke sadržan je članu 20, stav 1. tačka 2, 3, 8. i 15. Zakona o lokalnoj samoupravi („Sl. glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), članu 15. stav 1. tačka 2. i 22. i člana 46. stav 1. tačka 7, 31. i 76. Statuta Grada Novog Pazara („Službeni list Grada Novog Pazara“ br. 6/19).

Razlozi za donošenje odluke:

Potrebu za izradom Saobraćajne studije Grada Novog Pazara sa dinamikom uređenja saobraćaja (u daljem tekstu: Saobraćajna studija) nametnula je predstojeća izrada novog Generalnog urbanističkog plana. Novi Pazar do danas nikada nije imao sličnu studiju. Međutim, porast motorizacije i broja stanovnika, intenzivna izgradnja, ekonomski, socijalni faktori i tehnologija upravljanja saobraćajem, kao i mnogi drugi elementi pokazuju neophodnost u izradi Saobraćajne studije.

Pošto kontinuitet razvoja grada prate i definišu prostorni i generalni planovi, ova saobraćajna studija će biti jedan od polaznih dokumenata za njihovu izradu. Od uspješnosti i kvaliteta funkcionisanja saobraćajnog sistema zavisi normalno i usklađeno odvijanje ostalih aktivnosti.

Saobraćajna studija treba da odgovori na osnovno pitanje: da li će postojeći i djelimično izgrađeni sistemi moći da zadovolje saobraćajne potrebe grada, pod kojim uslovima i u kom periodu.

Studija treba sagledati razvoj saobraćajnog sistema vezano za srednjoročni i kratkoročni razvoj grada i da dinamiku realizacije planiranog sistema u zavisnosti od dinamike privođenja namjeni prostora saglasno važećem Generalnom urbanističkom planu.

Pored navedenog, ova studija treba da kao rezultat svih istraživanja u okviru nje, proizvede Model saobraćaja koji bi funkcionisao i "živio" kroz softverski paket, po ugledu na ostale gradove u regionu, koji se pokazao kao primjer dobre prakse. Ovaj model olakšaće, ubrzaće i na najkvalitetniji način odgovoriti i dati rezultate prilikom planiranja saobraćaja u gradu.

Objašnjenje pojedinačnih rješenja propisanih ovom odlukom:

Član 1. Utvrđen je predmet odluke.

Član 2. Utvrđeni su osnovni ciljevi izrade Studije.

Član 3. Utvrđene su osnovne faze metodologije izrade Studije.

Član 4. Utvrđeni su osnovni dijelovi prijedloga plana.

Član 5. Utvrđen je način izrade Studije.

Član 6. Utvrđen je obuhvat izrade Studije

Član 7. Propisan je rok za izradu Studije.

Član 8. Utvrđeno je finansiranje izrade Studije.

Član 9. Propisana je obaveza objavljivanja ove odluke u „Službenom listu grada Novog Pazara“ i internet stranici Grada.

Finansijska sredstva potrebna za realizaciju ove odluke nisu potrebna